

Broj: UP1-06-13-1-193-7/23
Mostar, 12.12.2023. godine

Na osnovu člana 19. stav (1) Zakona o električnoj energiji Federacije Bosne i Hercegovine („Službene novine Federacije BiH“ broj 60/23), člana 18., člana 40. stav (1) i člana 43. stav (2) Pravilnika za izdavanje dozvola („Službene novine Federacije BiH“ broj 2/17, 39/20, 82/21 i 1/23), člana 11. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (2), člana 5. člana 6. stav (1), člana 8. i člana 9. stav (1) Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19 i 1/23), postupajući po zahtjevu za izmjenu i dopunu dozvole za obavljanje djelatnosti proizvodnje električne energije broj UP1-06-13-1-193-1/23 od 9.10.2023. godine podnosioca zahtjeva MABOG GUMANOVIC d.o.o. Grude, Sovići, Podkrstina b.b., Grude, zastupan po zakonskom zastupniku Borisu Grizelju, u postupku izmjene i dopune Dozvole za rad za proizvodnju električne energije broj UP1-06-13-1-1-1/20, Regulatorna komisija za energiju u Federaciji Bosne i Hercegovine – FERK je dana 12.12.2023. godine na XXVIII redovnoj sjednici donijela sljedeće

R J E Š E N J E

1. Dozvola za rad za proizvodnju električne energije broj UP1-06-13-1-1/20 izdata Rješenjem broj UP1-06-13-1-1-05/20 od 6.2.2020. godine, te izmijenjena i dopunjena Rješenjem broj UP1-06-13-1-66-4/23 od 16.5.2023. godine imaooca dozvole MABOG GUMANOVIC d.o.o. Grude mijenja se i dopunjuje, te glasi kao u prilogu koji je sastavni dio ovog rješenja.
2. Utvrđuje se MABOG GUMANOVIC d.o.o. Grude, status kvalifikovanog proizvođača u objektu solarna fotonaponska elektrana „KRČ 5“ i solarna fotonaponska elektrana „KRČ 6“, u periodu važenja dozvole iz tačke 3. ovog rješenja.
3. Dozvola za obavljanje djelatnosti proizvodnje električne energije iz tačke 1. ovog rješenja važi do 5.2.2030. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tačaka 1. i 3. ovog rješenja.
5. Imalac dozvole je obavezan platiti regulatornu naknadu za 2023. godinu u iznosu od 851,41 KM.
6. Imalac dozvole je obavezan neuplaćeni dio regulatorne naknadu iz tačke 5. ovog rješenja u iznosu od 94,72 KM platiti u roku od 30 dana od dana prijema ovog rješenja.
7. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.
8. Ovo rješenje je konačno, te se objavljuje na službenoj internet stranici FERK-a.

O b r a z l o ž e n j e

Dana 9.10.2023. godine FERK je od podnosioca MABOG GUMANOVIC d.o.o. Grude primio zahtjev za izmjenu i dopunu dozvole za obavljanje djelatnosti proizvodnje električne energije pod brojem UP1-06-13-1-193-1/23 u postupku izmjene i dopune Dozvole za rad za proizvodnju električne energije broj UP1-06-13-1-1/20, zbog izgradnje novih proizvodnih objekata solarne fotonaponske elektrane „KRČ 1“, solarne fotonaponske elektrane „KRČ 2“, solarne fotonaponske elektrane „KRČ 3“, solarne fotonaponske elektrane „KRČ 4“, solarne fotonaponske elektrane „KRČ 5“, solarne fotonaponske elektrane „KRČ 6“, solarne fotonaponske elektrane

„GRADIKA 1“, solarne fotonaponske elektrane „GRADIKA 2“ i solarne fotonaponske elektrane „GRADIKA 3“. Dopune istog zahtjeva su primljene u FERK 31.10.2023. godine pod brojem UP1-06-13-1-193-2/23, 7.11.2023. godine pod brojem UP1-06-13-1-193-3/23, 10.11.2023. godine pod brojem UP1-06-13-1-193-4/23 i 14.11.2023. godine pod brojem UP1-06-13-1-193-5/23.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), FERK je utvrdio da je podneseni zahtjev potpun u smislu člana 12. Pravilnika za izdavanje dozvola i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za obavljanje djelatnosti proizvodnje električne energije po Zahtjevu broj UP1-06-13-1-193-1/23 od 9.10.2023. godine podnosioca MABOG GUMANOVIĆ d.o.o. Grude. Na osnovu člana 19. stav (3) Zakona o električnoj energiji Federacije Bosne i Hercegovine, FERK je Odlukom broj UP1-06-13-1-193-6/23 od 1.12.2023. godine usvojio Nacrt dozvole za obavljanje djelatnosti proizvodnje električne energije, te Obavještenje za javnost o opštoj raspravi o Nacrtu dozvole za obavljanje djelatnosti proizvodnje električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 1.12. do 11.12.2023. godine do 9:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost dostaviti zahtjev za sticanje statusa umješača na adresu FERK-a ili na elektronsku adresu, u periodu od 1.12. do 11.12.2023. godine do 9:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 11.12.2023. godine do 9:00 sati, u FERK nisu primljeni pisani komentari na Nacrt dozvole za obavljanje djelatnosti proizvodnje električne energije, niti je primljen zahtjev za sticanje statusa umješača.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 6. stav (1) istog pravilnika propisano je da će se postojećim imaocima dozvola koji obavljaju djelatnost proizvodnje električne energije, a koji povećaju/smanje ukupnu instalisanu snagu svojih proizvodnih objekata i ako prelaze iz jedne kategorije u drugu, fiksni dio regulatorne naknade preračunavati u skladu sa tabelom iz člana 5. stav (2) ovog pravilnika, od prvog dana perioda izmjene dozvole, a varijabilni dio regulatorne naknade utvrđivat će se primjenom postotka p (%) na ostvareni ukupni prihod iz prethodne poslovne godine i/ili na planirani ukupni prihod za tekuću godinu, a u skladu sa članom 5. stav (3) ovog pravilnika. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoca dozvole. Članom 9. stav (1) Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisano je da će se prilikom izdavanja/obnove dozvole imaocima dozvola za obavljanje elektroprivrednih djelatnosti i imaocima dozvola iz člana 6. stav (1) ovog pravilnika, te Operatoru za OIEiEK iznos regulatorne naknade utvrditi/preračunati izdavanjem pojedinačnog rješenja u skladu sa članom 5., članom 6. i članom 8. ovog pravilnika. Na osnovu navedenog Rješenjem broj UP1-06-13-1-66-4/23 od 16.5.2023. godine MABOG GUMANOVIĆ d.o.o. Grude kao imaoцу dozvole za rad za proizvodnju električne energije utvrđen

je iznos regulatorne naknade za 2023. godinu u iznosu od 756,69 KM. Kako je imalac dozvole povećao ukupnu instalisanu snagu svojih proizvodnih objekata, regulatorna naknada za 2023. godinu preračunata je u skladu sa članom 5., članom 6. stav (1) i članom 8. ovog pravilnika, tako da ukupan iznos regulatorne naknade koju je imalac dozvole obavezan platiti za 2023. godinu sada iznosi 851,41 KM. Budući da je imalac dozvole dana po osnovu regulatorne naknade za 2023. godinu ukupno uplatio iznos od 756,69 KM, neuplaćeni dio regulatorne naknade sada iznosi 94,72 KM. O obavezi plaćanja regulatorne naknade imaocu dozvole se ispostavlja posebno obavještenje.

Na osnovu obrade zahtjeva za izmjenu i dopunu dozvole za obavljanje djelatnosti proizvodnje električne energije podnosioca MABOG GUMANOVIĆ d.o.o. Grude i dokumentacije priložene uz zahtjev, izvršena je izmjena i dopuna Dozvole za rad za proizvodnju električne energije UP1-06-13-1-1/20, zbog izgradnje novih proizvodnih objekata solarne fotonaponske elektrane „KRČ 1“, solarne fotonaponske elektrane „KRČ 2“, solarne fotonaponske elektrane „KRČ 3“, solarne fotonaponske elektrane „KRČ 4“, solarne fotonaponske elektrane „KRČ 5“, solarne fotonaponske elektrane „KRČ 6“, solarne fotonaponske elektrane „GRADIKA 1“, solarne fotonaponske elektrane „GRADIKA 2“ i solarne fotonaponske elektrane „GRADIKA 3“. Uz navedeno, FERK je uočio i potrebu usklađivanja uslova predmetne dozvole sa odredbama Zakona o električnoj energiji Federacije Bosne i Hercegovine, a sve u skladu sa odredbom člana 168. stav (2) tog zakona. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioca, te je usklađena sa odredbama naprijed navedenog Zakona o električnoj energiji Federacije Bosne i Hercegovine, sa tim da je period važenja dozvole ostao nepromijenjen. Postavljeni uslovi, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, stvaraju obavezu MABOG GUMANOVIĆ d.o.o. Grude da u rokovima propisanim u uslovima dozvole za obavljanje djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSDJEDAVAJUĆEG FERK-a
Jasmin Bešo, s.r.